

De Hansjärch

De Hansjärch war sehr traurich gewehn,
Well er un sei Mädél sich nimmi verstehn.
Um`s Herz war`s ihm schwer un fahl,
Es Lewe war ihm nor me e Quahl.

Sei Mädél hat ihm nix mer zu sahn
Un schaut ach norme anre Buwe an.
Es macht ne derbei recht liewe Aue
Un des war schwer for zu verdaue.

Wem hätt er ach sei Leht selle sahn,
des geht jo anri doch nix an.
Des war jo nor sei eigeni Sach,
wu er sich selwer hat an gemach.

Oft war er lenich un verloss,
Es Maul war drucke bis in die Stross.
Un macht er sich mit Wein mol Mut,
So phackt ne erscht richtich no die Wut.

Uf emol werds ihm doch zu dumm
Un er schaut sich um e anres um.
Seim Schicksal tut er no vertraue
Un im Lewe norme vorwärts schaue.

So zeigt uns im Lewe die Moral,
Die Lieb kann were ach zur Quahl.
Wer net hat die Kraft des zu verstehn,
der kann ach dran ganz unner gehn!

Johann Stemper, 25.09.1974